

* suam
matrem

statem filios Dei fieri. Unde & mortem secundum carnem gustavit Filius Dei propter carnalem suam patrem *, ut filius hominis vita ejus particeps fieret propter suum secundum spiritum Patrem Deum. Ipse igitur secundum naturam Filius est Dei, nos secundum naturam sumus filii Adam. Pater enim est ejus Deus secundum naturam, nos autem secundum gratiam: & Deus ei fuit secundum dispensationem, eo quod homo factus est: nos autem secundum naturam Dominus est & Deus: & ideo Deus verbum, qui est Filius Patris unicus carni factus est caro, ut homines uniti spiritui fierent unus spiritus. Ipse igitur verus Filius Dei omnes nos indutus est, ut omnes induamur unum Deum; & est post incarnationem unus de sancta Trinitate unigenitus Filius Dominus noster Jesus Christus, compositus ex utraque natura: compositum autem Christum confitemur, sanctorum Patrum doctrinam sequentes. In mysterio enim Christi unitas secundum compositionem, confusionem & divisionem reicit, & servat quidem utriusque naturæ proprietatem. Unam autem substantiam seu personam Dei Verbi & cum carne ostendit: & est unus, idemque perfectus in Deitate & perfectus in humanitate, non tamquam in duabus subsistentiis sive personis, sed in divina natura & humana cognoscendus, ut unus sit utraque perfectus Deus & perfectus homo, idem ipse Dominus noster Jesus Christus unus de sancta Trinitate, conglorificandus Patri, sanctoque Spiritui: nec enim quarta persona adjectionem, suscepit sancta Trinitas, incarnato uno de sancta Trinitate Deo Verbo. His de Verbi incarnatione quam exactissime assertis, subiicit ad omnia confirmanda sanctorum Patrum assertiones, quas nos brevitate causa referre prætermittimus.

XVII.
Emulatio
Theodori.

Voluit enim Theodorus Cæsariensis Justinianum non minus esse prolixum in his edendis, ac fuerat in constitutione lata contra Origenem: sed & quod persuaserat Imperatori sub hujus fidei professione Acephalos Ecclesiæ uniendo; eam omni genere doctrinæ voluit esse referam, omnique ex parte constantem. Ubi autem de enarrato incarnationis divinæ mysterio longiorem produxit orationem, postea subiungit de his quæ spectant ad confessionem quatuor œcumenicorum Conciliorum, nempe Nicæni, Constantinopolitani, Ephesini, & Chalcedonenis: ita ut quemque Catholicum gaudio afficere potuisset, dum disertis verbis probat eandem quam hæcenus detestati essent Acephali hæretici Catholicæ fidei confessionem. Sed cum post hæc quatuordecim subiicit anathematismos, illis ultimo loco tria illa includit

capitula, de quibus nuper mentio fieri cœpta est. Anathematismi autem sic se habent:

Si quis non constitetur Patrem & Filium & Spiritum sanctum, Trinitatem consubstantialem, & unam Deitatem, sive naturam & substantiam, & unam virtutem & potestatem in omnibus subsistentiis sive personis adorandam: talis anathema sit.

XVIII.
Anathematismi
adversus
diffidentem
prola-
ti.

Si quis autem non constitetur eum quæ ante secula & tempora ex Patre natus est, Deum Verbum in ultimis diebus descendisse de celis, & incarnatum esse de sancta gloriosa Dei genitrice semper Virgine Maria, & hominem factum & natum esse ex ipsa, & propter hoc ejusdem Dei Verbi duas esse natiuitates, quæ est ante secula incorporaliter, & quæ est in ultimis diebus secundum carnem: anathema sit.

Si quis dicit, alium esse Deum Verbum qui miracula operatus est, & alium Christum qui passus est, aut Deum Verbum cum Christo esse nascente ex muliere dicere * vel ipso esse tamquam alterum in altero, sed non unum eundemque Dominum nostrum Jesum Christum Deum Verbum incarnatum & hominem factum, & ejus ipsius miracula, & passiones, quas carne sponte sustinuit: talis anathema sit.

XIX.

* vel De-
um in ip-
so.

Si quis dicit, secundum gratiam, vel secundum operationem, vel secundum dignitatem honoris, vel secundum auctoritatem, vel relationem, vel effectum, vel virtutem, relationem Dei Verbi ad hominem esse factam, vel secundum homonymiam *, per quam Nestoriani, & Deum Verbum vocantes Christum & hominem, separatim Christum nominantes, solo vocabulo unum Christum dicunt: Aut si quis per bonam voluntatem dicit unionem factam esse, sicut Theodorus hæreticus ipsius verbis dicit, quasi quod placuit Deo Verbo homo, eo quod bene visum est ei de ipso, sed non secundum substantiam Dei Verbi ad carnem animatam animam rationali & intellectualem unionem constitetur, & ideo unam ejus substantiam esse: talis anathema sit.

XX.

* homo-
nymiam.

Si quis per relationem, aut abusive Dei genitricem sanctam gloriosam semper Virginem Mariam dicit, aut hominis genitricem, aut Christotocon, tamquam Christo Deo non existente, sed non proprie & vere Dei genitricem ipsam constitetur, eo quod ipse qui ante secula ex Patre natus est Deus Verbum, in ultimo ex ipsa incarnatus & natus est: talis anathema sit.

XXI.

Si quis non constitetur Dominum nostrum Jesum Christum, qui carne crucifixus est, esse verum & Dominum gloriæ, & unum de sancta Trinitate: talis anathema sit.

XXII.

Si